

մոհրատիկ և նրա սահմաններում հաւասար իրաւունքներ կը վայելեն նրա մէջ ապրող բոլոր ժողովուրդները: Այն Հայաստանը, որ ստեղծուած է հայ աշխատաւորութեան ջանքերով, կարող է լինել միայն ազատութեան, լուսաւորութեան ու յոռաշղիմութեան հայրենիք:

Կեցցէ՛ հայ աշխատաւոր ժողովուրդը:

Կեցցէ՛ ազատ և դեմոկրատիկ Հայաստանը:

Կեցցէ՛ աշխատաւորների միջազգային համերաշխութիւնը:

Վ. Մինախորեան. — (սոց.—յեղ.) Սոցիալիստ—յեղափոխական Ֆրակ—յիայի կողմից կարգուած է մի յայտարարութիւն Հայաստանի անկախութեան ճանաչման առթիւ, մատնանշելով, որ իրենց կուսակցութիւնը եռանդուն պայքար է մղում ժողովուրդների ինքորոշման համար: Միւս կողմից, ընդ—դէմ է, որ տաճկահայ դատի բաժանումը ուսուսակող դատից ամենամեծ դաւաճանութիւնն է հայ ժողովրդի հանդէպ\*):

Աղարաբէկով. — (մուսուլմ.) Հայ ժողովրդի դարաւոր ձգտումը պտակեց յաջողութեամբ. ճանաչեց նրա անկախութիւնը և նա այսօրւանից մտնում է կուլտուրական ժողովուրդների ընտանիքի մէջ, որպէս ուրոյն կազմակերպութիւն: Ողջունելով այս ակտը՝ ես կուզեմ մատնանշել, թէ որքան նշանակալից է այն անդրկովկասեան ժողովուրդների համերաշխու—թեան տեսակէտից. այսուհետեւ պէտք է մի կողմ թողնեն վէճերն ու շուէն գաղափարները և խաղաղ աշխատանքը պիտի ծաղկի Անդրկովկասում, երեք ժողովուրդների համերաշխութեան հիման վրա: Միւս կողմից, մեր անկա—խութիւնը, ինչպէս և Վրաստանինն ու Ազրբէյջանինը, չեն կարող լինել հաստատուն, մինչև այն չճանաչի նաև Ռուսաստանի կողմից. մեր բոլոր աշխատանքը պէտք է տանենք այն ուղղութեամբ, որ փոխադարձ համա—ճանութեամբ Ռուսաստանն ևս հաստատէ այս ակտը: Մաղթելով ամէն յաջողութիւն՝ ես կանչում եմ կեցցէ՛ անկախ Հայաստանը, կեցցէ՛ անդըր—կովկասեան ժողովուրդների եղբայրութիւնը:

Կ. Սասունի. — (դաշն.) Արարատեան աշխարհը իր գաւակներին ուղարկեց մեր հայրենիքը՝ Տաճկահայաստանը կուլտուր և ազատագրելու մեզ. դէպքերն այնպէս դասաւորեցին, որ մենք թողինք մեր հայրենիքը, եկանք Արարատեան աշխարհը և մեր գաւակներին ուղարկեցինք Սարգարա—պատ կուլտուր և ազատագրելու ժողովուրդը օտարի լծից:

Մեր արիւնը խառնեց ձերինին և արեան խառնումը վերացրեց մեր և ձեր միջև եղած սահմանները: Այսօր բախտը ժպտում է Արարատեան աշ—խարհին, ուր ստեղծեց ազատ Հայաստանի կորիզը: Անսահման հիացմուն—քով ենք լսում այդ աւետիքը, որովհետեւ այժմ, թէպէտ գաղթական, մենք երջանիկ ենք, որ հարազատ հողի վրա ենք ու սեփական երկնքի տակ: Մենք երբեք չենք տխրում ու սգոյ արձաններ չենք տեսնում. սա առաջին մեծ դործն էր, որ կատարեց. այսուհետեւ կը գայ միւսը՝ Տաճկահայաստանի ազատագրումը: Գաղթական դարձած ժողովուրդը, որ իր կրծքի տակ ունի մեծ փոթորիկ, գուցայ ու լուռ սպասում է իր պայքարի վախճանին: Նա համոզուած է, որ կը գայ այդ օրը, կը յաղթանակէ արդարութիւնը և ինքը կրկին ստիպուած չի լինի կուլտուրա գալ: Իսկ եթէ չգայ այն արդարութիւ—նը, այն ժամանակ անսահման կը լինի նրա ցասումն ու անսպառ՝ ուժը,

\*) Յաւում եմք, որ Վ. Մինախորեանի ճառը ի վիճակի չենք առաջ բերելու ամբող—ջութեամբ. մեր ձեռքի տակ եղած աղբիւրի մէջ նա տրւած է ա՛յսչափ: